

Tumtsan kylän eläjät

(Pekka Zaikovin muistiinpanojen mukaan)

Timola. Elettih Timo, Tuarie (hänen akkah), Iivana, Uljana (hänen naini), heijän tytär Vera ta poika Viktori. Talossa oli 3-4 lehmää, heponi, poruo. Koko perh karkotettih Umbah. Kirsinin sukuo.

Koulu oli kaksipäini. Koulussa oli nellä luokkua, toisessa päässä oli myöhemmin klubi. Opettajana oli suomalainen nimeltä Olga, sitten myöhemmin opettajana oli Nikinov.

Onttola. Siinä eli Onton leskiakka kahen tyttären kera. Toini tytär Nasto mäni elämäh Suomeh. Heilä oli nellä lehmää, oli lamasta ta orihheponi. Koko perh karkottih.

Mikin talossa eletti Mikki, Lukerie, poika Iivana, Sohvana, Palaka, Tuarie, Joukenie (tyttäret). Siinä oli niise Iivanan naini Nasto (Soukelosta). Pirtti oli suuri ta vanha. Ukko ta Iivana vangittih 1930 vuotena. Hyö pohatat ei oltu, vain heilä oli äijä poruo. Karkotettih Siperiah. Iivanan naini sovan jälkeh tuli Kiestin-kih ta luati itselleh talon.

Leskelän Iivanan talossa oli kaksi poikua ta tyttäret, leski Iivana, Muarie (hänen naini), pojat Valli ta Triihvana, tyttäret Manu, Ulli, Iro ta Vera. Perh oli köyhä, kumminki heilä oli poruo. Iivana ta Triihvana vangittih.

Triihvanan talo. Triihavana ta Ulitta, pojat Risto, Nasarie, Vasilei. Talo ei ollut pohatta. Triihvana ta Risto vangittih.

Outin Mikitän talo oli pikkaraini. Siinä eli leskiakka Outi, poika Mikittä ta tytär Jouki.

Siitarin Makko. Oli pohatta talo. Naini Olona, tyttäret Tomma, Uljana, Parassie, Muarie ta pojat Miikkula ta Mikittä. Miikkula vangittih. Ukko sen jälkeh itse lähti kylästä. Pani elot pororaitoh ta mäni Umbah elämäh.

Maurola. Siinä eletti Tonin Kirilä ja hänen naini Vassi, kaksi tyttäretä Manu ta Hetossa, kaksi poikua Pekka ta Iivana. Manu kävi usein rajavartioasemalla, toimi tulkkina. Manu eli Knäsöissä.

Suavala. Oikein pohatta talo. Isäntä Miikhkali, pojat Overki,

Iivana, Jyrki ta Grigori. Overki oli kolhoosan piämiehenä. Kumminki hänet, Iivana ta Jyrki vangittih.

Ontreila. Elettih kaksi veljestä Iivana ta Tero. Molemmilla olit perhet. Iivana vangittih.

Onton talo. Ontto ta Usti (hänen naini) siinä eletti, lapset Houro, Senu, Tatjana ta pojat Eino, Viktori.

Iljan talo. Ilja (Onton veikka) ta naini Anni. Tyttäret Okku, katti, Matro, Manu ta poika Triihvo.

Jermein lesen Uljanan talo. Kolme tyttäretä Muarie, Hetosa ta Anni. Oikein köyhä talo. Yksi lehmä. Akka oli kysyjä (kerjäläinen).

Terola. Tero-ukko, poika Risto ta kolme tyttäretä Ulitta, Usti, Okahvie. Köyhä talo, yksi lehmä ta heponi.

Prokon talo. Elettih siinä Prokko akan kera. Neljä oli poikua: Iivana, Vassilei, Santeri, Valtteri ta tyttäret Muarie, Hetossa. Köyhä talo, kaksi lehmää, heponi, poruo ei ni ollut.

Jemmun akka, poika Iivana, emäntä Lukerie. lehmä ta heponi.

Tarasko. Elettih Tarasko, Puavila ta Isossima naisineh. tarasko ta Puavila vangittih.

Makon talo. Elettih Makko naisen kera ta veikka. Makko vangittih.

Jokkelan Jalmari, suomalainen, akkah Anni, lapset Katri, Väinö ta Sylvi. Jalmari vangittih.

Boriskon talo. Elettih Borisko akkaneh ta lapset poika Heikki ta tytär.

Lukan leski, lapset Vaasilei, Risto, Jyrki ta Nasto.

Borisko-ukon poika Huotari. Naini ta kaksi poikua (pienenä kuoltih). Pijettih lehmää.

Ofonkan talo. Naini Katti, lapset Joukenie, Olona, Ulli, Maikki, Nasto ta Marppa. Pojat Simana, Mikittä, Jyrki ta Ilja. Mikittä kuoli sovan jälkeh Ahvenlahessa.

Miikkulan talo. Miikkula ta naini Anni ta Iivana, lapset.

Hapon talo. Happon akkaneh. Lapset Ropert ta Vassi.



Kun suomalaistiedustelijat kävivät Tumtsan kylässä joulukuun puolivälissä 1941, kaikki asuinrakennukset olivat vielä paikoillaan, vain kasarmi oli poltettu. (SA-kuva)



Tuntšän kylässä oli syksyllä 1941 yhteensä 28 taloa. Venäläiset partisaanit polttivat kylän keväällä 1942. (SA-kuva).

